

## Praksa u Centralnoj banci Bosne i Hercegovine

Centralna banka Bosne i Hercegovine svake godine pruža mogućnost studentima završnih godina prvog ciklusa studija, prvenstveno ekonomskog smjera, da obave ferijalnu praksu.

Naš član SSEF-a, Ajla Ibrišimović, uspješno je obavila studentsku praksu u Službi za opšte i administrativne, računovodstvene i bankarske poslove Filijale Brčko CBBiH.

Bila je dužna da tokove aktivnosti, učenja i zadataka evidentira u dnevnik, koji je po završetku radnog angažmana bio odobren od strane njenog mentora.

“Iskustvom ferijalne prakse u CBBiH Filijala Brčko sam i više nego oduševljena. Pored usvojenog znanja, gostoprimstvo i ljubaznost od strane radnog kolektiva nije manjkalo ni u jednom trenutku. Rad u “banci svih banaka” je znatno olakšan i unaprijeđen zahvaljujući savremenim informacionim sistema i softverima.

Sa zadovoljstvom preporučujem svim studentima Ekonomskog fakulteta Brčko da se upoznaju sa radom najvažnije finansijske institucije naše zemlje, upoznaju funkcije trezora i računovodstvenog odjela, te svoje iskustvo prenesu drugima.”

Bitno je napomenuti da Centralna banka BiH pruža mogućnost studentima da izaberu željeni period obavljanja prakse (maj-jun ili septembar-oktobar).

